

2. B. V.

RECTORE MAGNIFICENTISSIMO  
SERENISSIMO PRINCIPE REGIO AC DOMINO  
**DN. FRIDERICO AVGVSTO**  
ELECT. SAXON. HEREDE  
DISSERTATIONEM INAVGVRALEM  
DE  
**FLVORE**  
**ALBO**

*PRAESIDE*  
**D. IO. GOTHOFREDO BERGERO**  
ARCHIATRO REGIO, COLLEG. MED. SENIORE  
ET PROF. PRIM.

**PRO LICENTIA**  
IMPETRANDI SVMMOS IN ARTE SALVTARI  
HONORES  
*P. P.*


**M. CHRISTIANVS BENED. CARPZOVIVS**

LIPSIENSIS  
A. D. IVN. clō lō cc XI.  
**IN AVDITORIO MAIORI**  
HORIS ANTE ET POST MERIDIEM CONSUVETIS.

---

VITEMBERGAE, PRELO GERDESIANO.

*Presentissima  
lib. D. V. S. S. i. c.*





DE  
FLVORE  
ALBO

DISSERTATIO INAUGVRALIS

---

I.

**D**Olendum est, elegantio rem sexum cum aliis ex utero malis, tum eo in primis tentari, quod Græcis ῥῆς λευκός, Latine Fluor albus nominatur. Hoc enim ea loca, quibus mulier spem sibi a viro commendatam continet,

A 2 net,

net, altamque, et elaboratam parit, humore mudent, et manant seroso, ac pituitoso, tenui, crassoque, ea interdum vi ac copia, ut fructu alimenti corpus privet, et spe ista non raro evertat, atque ad varia incommoda, et mortem sæpe præmaturam, ducat.

## II.

**I**D genus fluxionis mulieres afficit coniuges æque, ac viduas, ætate florentes pariter ac senescentes, ipsasque interdum gravidas, non tamen foemellis imprimis foetas, ut quidam sibi fingunt. Neque vero virginibus parit adultis, sed rarius parvulis provenit, ut alios inter *Fernelius*, *Pathol. lib. VI, c. 16*, *Th. Bartholinus*, *Act. Hafn. P. I, obs. LXXXIII*, et *Pechlinus*, *obs. phys. med. XXXIV, lib. I*, exempli testantur. Atque illud quidem nunc certis temporum periodis, et vel nova, singulis mensibus, luna, ut observavit *Pitcarnius*, apud *Richardum Mead*, *cap. II de imper. solis et lunæ in corp. hum.* vel medio plerumque tempore inter duas purgationes menstruas, reverti, ac plures durare dies, modo nullo certo, vel ordine, vel circuitu, frequenter, et assidue urgere, nec, nisi prorumpentibus catameniis, et aliquanto post, intermittere consuevit. Initio mitis aliquandiu hu-



humor, nec multus exit, progressu autem temporis copiosior mordaxque fieri, et nunc tenuis et aqveus, nunc mucosus et candidus, modo glutinosus, et tanquam ex ovo crudo subalbidus, ac demum quibusdam citrinus, subviridis, vel mixtis tinctus coloribus, graveolensque esse, et varia inferre mala solet. Gravius autem alias, alias mitius tenet, ita ut quædam nihil inde detrimenti, præter madorem atque sorditiem locorum, persentiscant. Plerisque vero appetitus vitatur ciborum, et bonitas coloris, et gratia, ac venustas et pulchritudo corporis corrumpitur. Quodsi grave malum sit, magna virium fit mutatio, et gravitas quædam ac lassitudo membra occupat, et lumbago, sive dolor, et mollities ac debilitas in lumbis, atque in animo tristitia, oritur. Accedit spirandi difficultas, et palpitatio cordis, nullumque corpus ciborum fructum sentit, sed aliis tabe conficitur, aliis male alitur, et laxum, molle, segneque redditur, atque in palpebris, et cruribus, intumescit. Sæpe etiam fecunditatem amittit, et malis aliis supra alia affligitur.

### III.

**A**Tque hæc quidem est idea et species Fluoris  
A 3 albi,



albi , prout eam a Græcis traditam accepimus. Ex his *Hippocrates lib. de Nat. mul.* ita habet: *Cum fluor albus subortus fuerit, urina, qualis asini, apparet, et dolor inum ventrem, lumbos ac laterum inanitates detinet, crura ac manus intumescunt, oculorum cava eleuantur, et oculi humescunt, color auriginosus et albus redditur, cumque deambulat, anhelatione corripitur. Hic morbus oritur, si natura pituita abundans, febricitarit, bilisque commota minime purgata fuerit. Ei vero hodie nonnulli, inter quos *Richardus Morton, Phthisiol. lib. I, cap. 4,* illud fluxionis genus, quod impura venus relinquit, iungendum putant, qui omnis illuviei incruentæ per naturalia excretionem floris albi nomine comprehendendi volunt. Qua ratione fluxionem quoque purulentam ex ulcere uteri eodem referunt. Sed hanc rectius plerique a fluore albo distinguunt. Ab eodem seiungendam esse fluxionem, illam venereum, quam vulgo gonorrhoeam vocant virulentam, cum indoles mali, tum ratio curandi, et cautio, ne innocentibus et castis affingatur, postulat. Nam fluxio venerea, copia minor, sed tanto acrior est, et magis exedens, atque cum dolore ardente, maxime inter meiendum, continenter, etiam cum menses flu-*



fluunt, ex inflictis a contagio venereo, quo propagatur, ulcusculis, fertur, neque illam, quam paulo ante commemoravimus, sed aliam, symptomatum seriem invehit, quæ originem mali, et inde facile nascentem luem veneream, prodit. Non magis ea antiquitati cognita fuit, quam gonorrhoea virulenta virorum, atque ex hac prodiens lues venerea. Hanc enim plerique, inter quos præcipuus est *Gvicciardinus, lib. II, histor. sui temp.* cum Columbo demum ex America, quam diu ante gravissime exercuerit, in Hispaniam primum, ex eaque in alias orbis partes, commigrasse, alii autem, quibus adstipulatur *Manardus, epist. med. II, tom. II, lib. 7,* eodem ipso tempore, quo Carolus IX, Galliarum Rex, expeditionem Italicam parabat, coepisse, volunt, Valentia, Hispania Tarraconensis urbe, a nobili quodam scorto, cuius noctem Elephantiosus quidam ex equestri ordine miles quinquaginta aureis emerit. Et cum ad mulieris concubitus frequens iuventus accurreret, intra paucos dies supra quadringentos infectos, e quorum numero cum Carolum, Italiam petentem, multi sequerentur, idem malum in Italiam importatum, ac deinde, tanquam libidinosi commercii poenam, in regiones alias delatum fuisse. Quod si

ve-



verum est, minus mirandum erit, si consummata lues venerea propius ad lepram accedat, et vi-  
tiati corporis contactu contrahatur, tum a pa-  
rentibus quoque ad liberos more Elephantiae  
transeat. Sed quomodocunque lues ista orta sit,  
illud omnino certum est, in monumentis veterum  
eam desiderari.

#### IV.

**E**X quibus apparet, aliam fluoris albi, quem su-  
pra exposuimus, rationem esse. Is enim va-  
riis evenire causis solet, quæ ab illius mali causa  
longissime distant. Inter has est ubertas succo-  
rum corporis, et colluvies inprimis chylosa, sero-  
saque, quæ multo, pravoque victu, et potu inprimis  
copioso zythi, itemque foliorum thee, et fabarum  
coffe, et diminuta quavis causa transpiratione, ex-  
cretioneqve urinæ, colligitur. Quorsum multum  
conferre vitam molliculam, ac sedentariam, cum res  
ipsa docet, tum ex eo constare potest, quod eo ma-  
lo potissimum urbanæ afficiantur, et quæ vitam otio,  
moerore, ac silentio transigunt: quæ vero ruri de-  
gunt, et negotiosae ac liberiores sunt animo,  
eius expertes vivant. Recte *Hippocrates lib. III, de  
diæta*, non minus morbos oriri statuit, cum cibus  
labo-



laborem superat, quam cum a labore superatur, et sanitatem tunc elucere atque consistere, cum laborum, ciborumque, æqvabilitas est ac symmetria: de superante vero laborem cibo, repletiones, cruditates, atque corruptelas sanguinis, et viscerum, existere. Eodem pertinere cum frigus, tum fumum calidum, tempore hyberno ex ignitis carbonibus in naturalia admissum, iniectosque in illa loca liquores, ac res alias immixtas, venerem porro importunam, et nimiam, ac lascivas titillationes, satis experientia docuit. De usu quoque frequentiore balneorum notius id est, quam ut dici debeat. In primis autem tam suppressionem, quam immoderatum mensium, et lochiorum, fluxum, abortus item, partusque crebros, ac difficiles, et relictas ab utrisque placentulas, et partes placentarum, quas vulgo molas vocant, atque ab his, aliisque, causis excitatas hæmorrhagias uteri, idem mali genus sequi, idque gravius, et curatu difficilius, quotidiana muliercularum querelæ, et medicorum observationes, testantur. Quibus addendum est, id etiam aliquando minus cauto usui medicamentorum, menses pellentium, et diureticorum, quin imo purgantium, ut meminit *Platerus*, *Pr. tom. 3, cap. 7*, supervenire, nec raro foedi vir-



ginum coloris, et omnis cachexiæ, ac hujus generis affectuum aliorum, comitem ac pedisequum esse.

## V.

**Q**uo vero pateat, quæ ratione his, quas commemoravimus, causis, et, si quæ sunt fortassis aliæ, fluor is, de quo agimus, exoriatur, id quidem iam constare arbitror, in eo illud affectum esse viscus, cui spem omnem perennitatis natura committit, uterum puto, cum sinu pudoris, sive vagina sua, ita quidem, ut modo huius, modo illius, modo utriusque labes culpam sustineat. Cumque ea in glandulis illarum partium quærenda sit, notari refert, quasdam earum maiores iuxta urethram, in ipsoque vaginæ aditu, collocatas, plures vero minores per omnem illius sinus interioris tunicam inter papillas nerveas pyramidales sparsas ac disseminatas esse, et suis quasque osculis in cavum illius hiare, et liquorem emittere, lubricandæ vaginæ utilem. Hunc semen esse mulierum, constans multorum fuit opinio, dum anatome ostenderet, testes mulierum ovaria, et semen earum in illis recondita esse ovula, humorem vero istum rigandæ tantum vaginæ fervire.



vire. Quod vero ad uterum attinet, id quidem cl. *Io. Bapt. Morgagni*, in illustri Bononiensium Academia anatomen magna laude profitentis, industria, quam in *adversariis anatomicis* publice ostendit, iam clare constat, illius cervicem in tunica interiore densis glandularum subrotundarum, aut ovalium, variae magnitudinis agminibus stipari, easque fontes esse lenti illius et glutinosi succi, qui, facta conceptione, adiuvantibus rugis cervicis valvulosis, aditum aeri per os uteri ad interiora præcludit, ut nemini mirum videri debeat, vix nuper propositam de tertio in cervice uteri ovario sententiam in ipso ortu defecisse. Fundum quoque uteri intus glandulis refertum esse, nemo amplius dubitat, quamvis ea a magnitudine, figuraque, glandularum cervicis permultum differant, atque aliter ab aliis nominentur.

## VI.

**H**AS autem omnes glandulas a Deo fabrefactas esse, intelligimus, ut succum ex sanguine serosum, tenuem aliae, aliae crassum et glutinosum, secernant, sanguinemque ipsum ex uteri fundo maxime, et vagina, et modo ex hac, modo ex illa, aliquando ex utraque parte, statis temporibus



bus dimittant. Quod non negandum esse, ipse  
censuit laudatus modo *Morgagnus* l. c. qui, quod  
alii in vagina observarunt, in cadaveribus men-  
struo sanguine profluente defunctorum ipsum ute-  
ri fundum vidit, sanguineis maculis ita distinctum,  
ut ex iisdem leni pressione cruentas elicere gut-  
tulas facile potuerit. Patet modo cl. *Ruyfchius*  
in utero menstruato cruorem coagulatum, alium-  
que oviductui unius lateris, ipsiusque superficiei  
ovariorum adhærescentem, seprehendisse, scri-  
bit, *thes. anat. IV, p. 47.* Id vero fit, cum san-  
guis, pulsu cordis per vasa corpus circumiens, et,  
ad auctam paulatim mole, turgescens, in arteriis  
uteri, eiusque vaginæ, ob venas comites, valvulis  
carentes, et pendulas, et ideo difficiliorem in his  
progressionem, ac renitentem vim ad aucti pari-  
ter sanguinis, aliquid de motus sui velocitate re-  
mittere cogitur, atque a tergo subsequente san-  
guine accumulatus, et pressus, vasaque distendens,  
suorum incuneatione solidiorum globulorum mea-  
tus glandularum eo usque aperit, et diducit, ut  
per eosdem exire tandem possit, tantisper dum  
emissa parte redundante, ad pristinam redactus  
molem, et faciliorem progressionem, nullam  
amplius vim vasis illis ac glandulis inferat, et  
his



his iterum contractis, solito tenore in orbem antiquum redeat, nec nisi aliquam feri partem per angustiores iam redditas glandulas dimittat. Quod si illæ glandulæ ultra modum dilatatae, vel ruptæ, erosæque, hient nimium, ac dimittendo sanguinis æquo diutius pateant, mensium fluxus immodici, et sæpe graves admodum hæmorrhagiæ uteri, perinde fere, atque ab apertis vasculis sanguineis oriuntur. Sin accidat, ut eadem uteri, vaginæque, viæ, siue glandulæ, plus æquo coarctentur, et occludantur, in promptu est ratio, quamobrem sanguis aliorum exitum quærat, eumque nunc in naribus, nunc in ivasis hæmorrhoidalibus, modo in ventriculo, nec raro in pulmonibus, aliquando in gingivis, et salivæ viis, interdum per glandulas ductusque lachrymales, aut alibi corporis, magno sæpe illius allevamento et commodo, inveniat.

## VII.

**S**ed multo fieri aliter videas, cum hæ omnes uteri, et coniunctarum ei partium, glandulæ, quavis causa labefactæ, rursus contrahi satis nequeunt, sed laxius connivent. Ita enim eveniat, necesse est, ut, quamvis globuli sanguinis rubicundissimi non emittantur, succus tamen is, qui natu-



ra parcus, et quantum rigandis naturalibus sufficit, per eas fecernitur, iam uberius dimittatur, et fluxionem albam constituat. Haud aliter, ac modo frigore, modo calore, vel causis aliis, labefactatis narium glandulis, illarum destillationem concitari, atque ex laxitate glandularum lachrymalium oculos lachrymosos, ex atonia vero glandularum cutis multos oriri sudores, comperimus. Est quippe his glandulis omnibus, ut aliis quibusque corporis, vis sua naturalis, qua remitti, ac dilatari, et adduci rursus, contrahique, ac pressioni sanguinis, quoad satis est, reniti possint, a qua, bene habente, recta secretio, labefactata vero, perversaque, secretio mala, et nunc maior, nunc minor, modo prorsus aliena, proficiscitur.

## II X.

**A**Tque eo quidem causas, quas supra commemoravimus, omnes pertinere, nunc facile intelligitur, ut firmitudinem ac vim illam glandularum uteri, et quæ ad eum pertinent, partium ceterarum, solvant et relaxent, eoque uberiores succorum per eas transmissionem, et illam ex naturalibus destillationem, efficiant. Non multi iam laboris erit, ut ostendamus, qua ratione plethora sanguinis



nis, et colluvies serosa, chylosaque, ad gignendam fluxionem albam conferant. Quanta enim vis sit diducendi ora glandularum exuperantiæ sanguinis, si minus aliunde constet, satis ex iis apparet, quæ de fluxu menstruo dicta sunt. Quibus addendum est, quod *Fernelius, l. c. cap. XV*, de quadam commemorat muliere, quæ hydrope uteri, a collecto procul dubio humore seroso ex glandulis illius, correpta, quoties appetebat menstrua purgatio, omnem aquarum colluviem per cervicem uteri profundeabat, pelvesque sex, aut octo, implebat aqua citrina fermentissima, dum venter totus subideret. Mox deinde menses inseqvebantur ex naturæ præscripto. Collecta proximo mense par colluvies, statim dein tempore profluebat. Hæc tandem perfanata, uterum gestavit, peperitque bene vitalem foetum. Quo igitur sanguis copia, et impetu, maiore, eoque diutius continuato, glandulas uteri perfringit, hoc magis, et gravius, easdem labefactare potest, ut deinde, prout magis, vel minus, hiant, sanguinem ipsum, sive serum una cum globulis purpureis, vel huius tantum partem, maiori, quam fieri debebat, copia transmittere cogantur. Hinc vero ratio patet, quamobrem plethoram sanguinis, nec minus suppressionem, quam im-

mo-



moderatam fluxionem mensium et lochiorum, atque hæmorrhagias uteri, et usum importunum remedium rarefacientium, et stimulantium emmenagogorum, diureticorum, atque purgantium, fluor tandem albus sequatur. Colluvies vero sanguinis serosa, chylosaque, eundem parit affectum, cum vel sua copia, vel parte viscida, intus glandulis adhærescens, easque infarciens, vel tenuitate sua facilius pertransiens, illas ita paulatim emollit, relaxat, et dilatat, ut similis deinde humor, quo eæ imbutæ, tument, hoc perfluat uberius, quo maiori copia eodem inquinatus sanguis per arterias adducitur. Ita vero constitutum uterum vulgo, et merito, pituitosum appellant. Quo minus mirerur, in mortuis, quæ vivæ hoc malo graviter laborarunt, glandulas uteri magnitudine pisitumidas, et induratas, inveniri. Quemadmodum a cl. *Dolæo, encycl. med. dogm. lib. V, c. IV*, relatum legimus. Quod si humor serosus simul acrimonia polleat, facile est intellectu, eum rodendo glandulas facilius hoc excitare malum, et gravius reddere posse.

## IX.

**N**Eqve vero nunc opus erit pluribus ostendere, quo



quo modo frequens balneorum usus, et admissio, vel frigoris, vel fumi carbonum, injective liquores, et immixtae res aliae, suo glandulas contactu labefaciendo, fluorem album inducant. De thermis non praetermittendum est, quod notavit *Platerus* l. c. multas mulierum, quae eis insedissent, hoc vitium contraxisse, non ob contagium, quia cum aliis, quae illo laborarunt, in eodem balneo sederint, ut quidem sibi persvaserint, sed quod usu balneorum continuo, sicuti ex sanguine id, quod tenuius est, per sudores emitti solet, sic etiam per hanc excretionem uteri ea maxime, quae ob crassitatem sudore exhausti nequeunt, expellantur: veluti crebro admodum evenire observamus, ut excretio, per cutim impedita, pro varia habitudine materiae excernendae, et glandularum excernentium opportunitate, nunc per vesicam, nunc per alvum, modo per salivae vias, divertatur, et suppressam urinae secretionem in renibus sudor copiosus sequatur. Iam vero patet etiam, quare ratione abortu, et crebro, ac difficili partu, et utero firmitus accretis, et brevius, vel longius, relictis, ac deinde natura, vel arte, nunc facilius, modo difficilius, eiectionis, placentulis, ac partibus placentarum, sive pseudo-molis, et abortis inde ha-

C mor-



morrhagiis, uteri glandulæ distrahi, laxari, solvi varie, et ampliari, totiusque non raro tonus uteri perverti et labefactari, atque ad suscipiendum fluxum hunc præparari possit. Illud demum cuiusvis facile est colligere, eo facilius eundem oboriri, quo plures enumeratarum hucusque causarum concurrunt. Ad has accedit naturalis uteri laxior, et nimis serosa sanguinis dispositio, ob quam aliæ præ aliis huic malo sunt obnoxia. Nam quæcunque mollioris et humidioris sunt constitutionis, quæque ad cachexiam magis inclinant, eas frequentius in illud incidere observamus.

## X.

**H**is ita expositis, omnium phaenomenorum, quæcunque ita laborantibus obvenire diximus, ratio patescit. Nam, prout varia est sanguinis et uteri labes, minus aliæ, aliæ gravius afficiuntur. Ac mitis principio, paucusque humor exit, quod minus hiant glandulæ, neque acribus alluuntur humoribus, sed blandus adhuc succus in eas influit. Hunc vero illæ hoc deinde copiosorem acrioremve fundunt, quo magis disiuncti sunt meatus earum, et hiant, ac ferescentium acrim-

um-



umve humorum uberior copia adducitur. Ex eadem causa, et perinde ac colluvio succorum suppetit, vel assidue fluor urget, vel per intervalla longiora, vel breviora, certa que, vel incerta, repetit, et sanguis quoque menstruus sequitur, quia glandulae, mediocriter relaxatae, et pituitoso imbutae succo, similem tantum humorem admittunt, at sanguineis tandem cuneis magis dilatatae, ipsum sanguinem transmittunt, eoque cessante impetu, ad pristinam mediocrem redeuntis amplitudinem, globulis sanguinis rubentibus exitum praeccludunt, relicto serofae tantum parti uberiore, parcioreque, transitu, quo deinde fluor albus perseverat, isque, pro humorum, ex sanguine affluentium, vel ipso in transitu corruptorum, varietate, tandem varius, citrinus, subviridis, vel mixtis tinctus coloribus, siquidem omnis massa humorum, crudis, viscidis, biliosis, falsis, et aliis scatens impuritatibus, expiari per has vias consueverit. Vidimus, fluorem humorem album flavescentem prodiisse, quoties crocus cum alimentis assumeretur.

## XI.

**Q**Vare, ubi, ob cacochymiam humorum massae sanguineae, et auctam paulatim laxitatem



uteri, et coniunctarum ei partium, ipsorumque vasorum, ac ligamentorum, fluor hic adolevit et inveteravit, necesse est magnam in homine mutationem fieri, in primis autem corrumpi bonitatem coloris, ac gratiam minui, et corpus debile atque elumbe, animum vero mœstum tristemque reddi. Nam quia succus is, qui vires cerebri ac nervorum, ipsiusque cordis, et ventriculi, ac musculorum omnium, fulcire ac tueri, et rubore suo candorem cutis ita perfundere debet, ut floridus ex utrisque color concilietur, a vivido vigore defiscit, per viasque devias illarum glandularum nimium decedit, fieri omnino debet, ut vis non minus cerebri, quam cordis, et ventriculi, ac viscerum aliorum, musculorumque, minuatur, ac pereat vigor et pulchritudo corporis, ac simul animus langvescat, et accumulatis lentis crudisque succis, corpus infarciatur potius, quam alatur, malumque adeo habitum contrahat, vel aucto nimis profluvio, decedentibus magis magisque succis utilibus, nullis vero, vel paucioribus, in eorum locum subeuntibus, summa tandem macies oritur, et nisi occurratur, tollat. Ex eodem fonte aliquando etiam sterilitas proficiscitur, quando semen in illa eluvie uteri vel suffocatur, vel corrumpi-



rumpitur, vel cum eadem statim reicitur, ut docuit Hippocrates Aph. LXII, Sect. V. Quæ frigidos et densos habent locos, utero non concipiunt. Et quæ præhumidos habent, gravidari nequeunt: extinguitur enim in ipsis genitura. Et quæ sicci-ores et æstuosos: nam alimenti defectu, semen corrumpitur. Quæ vero ex utrisque modera-  
tam nactæ sunt locorum temperaturam, eæ fecunditate valent. Et lib. περὶ αἰσθητικῶν: Si uteri lubrici fuerint, mulier utero non concipit, semen enim foras elabi sinunt. Indidem facilis et frequens abortus oritur, quia conceptus firmas fa-  
tis radices agere in laxatis nimium glandulis uteri nequit, atque assidua alluvione abripitur, et eiicitur.

## XII.

**I**am vero ex commemoratis partium affecta-  
rum et humorum vitiis etiam causam perspi-  
cimus, quamobrem fluor is hoc magis difficilem  
admittat curationem, quo magis adolevit, et inve-  
teravit, ita ut inter Medicorum scandala referri  
iure possit. Namque in illo perpetuo succorum,  
ipsiusque menstrui sanguinis transitu perquam est  
difficile glandulas tono et vigori suo ita restitue-  
re, ut modo debito contrahantur. Præsertim



cum in malo inveterato, et in senescentibus, in tumores abeant insanabiles, modisque aliis ita pervertantur, ut ea fluxio ad mortem usque perseveret. Neque vero suis eam periculis carere, ex adductis supra, et pluribus aliis, quos proferre solet, fructibus intelligitur. Nam etsi in quibusdam citra noxam graviolem diu perdurare possit: tamen plerumque multa post se mala trahere, aliquando etiam ruinam utero, et toti œconomiae corporis, inferre tandem solet. Ast fieri interdum videas, ut ex suppressione mensium natus fluor albus, horum quasi vicarius fiat, et multa allevet incommoda, quæ ab illa alioqui proficisci consueverunt. Sed miserum tamen est, agrum naturæ, ferendis hominibus a Deo factum, foribus squalere.

### XIII.

**P**ostremo illud iam animo et cogitatione comprehendimus, in Curatione huius mali operam adhibendam esse, ut humores supervacanei per convenientes vias educantur, eorumque cacochymia corrigatur, et tonus uteri instauretur, ac confirmetur. Itaque, si plethora urgeat, et nimia sanguinis copia glandulas uteri collabefecerit,



rit, sanguinis missio per venæ sectionem, vel scarificationem, non sine commodo instituetur. Neque enim hic audiendus *Sennertus*, quem plures sequuntur alii, cum *Pr. lib. IV, p. II, sect. 2, c. 12*, omnem venæ sectionis usum reiicit, veritus, ne pravi humores, ad uterum fluentes, in venas revocentur, et sanguinem inquinent, ac præterea vires nimium prosteruantur. Nam metu hoc circulus sanguinis, ignotus isti doctissimo medico, et eius abundantia nos liberat, cum non nisi urgente id plethora, qua nihil fere promptius glandulas uteri diducit, venæ sectioni locum demus. Hac ratione videas, ea, ut decet, præmissa, fluorem illum, qui a nimio mensium fluxu proficiscitur, vel augetur, faciliorem deinde curationem admittere.

#### XIV.

**V**T autem venæ sectio rarius locum habet: sic e contrario catharsis principio curationis nunquam omittenda est, ut sordes primarum viarum expurgentur, et ipsius immundities sanguinis per vias alvi divertatur. Plus vero hic benignis illis et mitibus auxiliis, ex floribus acaciæ, mali perficæ, myrobalanis, tamarindis, casia, et sena orient-



entali, quam naturam magnopere turbantibus agitantibusque remediis, proficimus. Neque defraudanda est laude sua magnesïa alba, ex lixivio nitri recte parata, quia alvum facile movet, et serum copiosum sine omni molestia educit. Quidam, nec immerito, hieram Galeni laudant. Ialapium quoque, cum sale quodam tartareo, vel nitroso, aut eius refina, cum gummi ammoniaco, vel galbano, mercurioque dulci, sociata, hic sæpe multum proderit. Quodsi ventriculus, ut sæpe fit, cruditatibus scateat, maximo usui blanda erunt emetica, ex quibus una arridet Ipecacuanha, quod et vomitionem leniter ciet, et perspirationem corporis egregie adiuvat. Hac sola, bis, terve, repetita, fluorem album conquievissè novimus.

## XV.

**C**orpore satis expurgato, laborandum est, ut aptis remediis aperientibus, et diaphoreticis, universi transpiratio corporis vigeat, qua quippe ferosa sanguinis chylosaque colluvies corrigitur, atque ab utero divertitur, eaque purgato sanguine, ac instaurato vitali circuitu, tonus, ut partium aliarum, sic uteri quoque, melius, quam reme-



mediorum usu adstringentium, reficitur. Nam si succus sanguisque bonus sit, nec redundet, non laborabit uterus, aut, si laboret, tutius corroborantibus confirmabitur. Atque hæc nobis quidem causa esse videtur, quæm obrem magna ex parte hoc fluore laborantes, ut incuratæ, relinquantur, quod temere, nullaque methodo, morbi curatio suscipiatur. Namque in eo quotidie errari videmus, quod ea adstringentibus, interius, externeque adhibitis, perfici vulgo credatur. Quæ tamen ratione vel contumaciorem fieri fluxionem, vel ea temere suppressa, varios ventriculi, et capitis, ac pectoris affectus, cachexiam, tumores, ulcera, malaque alia inferri, experientia testatur, et sua quæmque ratio monere debet. Hujusmodi suppressionis funestæ, atque in exitiosam mutatæ diabetem, exemplum habet *Ballonius, lib. I, consil. 56*. Id ipsum igitur bene perspicuens *Galenus*, uti in methodo, et ratione medendi, incomparabilis erat, cum in curatione uxoris *Boethi præcipui Romæ medici* non modo nihil profecissent, sed ineptis etiam remediis tumorem ventris procurassent, purgata semel iterumque alvo, et paucis adhibitis aperientibus, potissimum frictionibus



bus, parcoque potu, illam feliciter absolvit, ut  
*lib. de præcogn. ad Posthum. cap. 8, refert.*

## XVI.

**C**Vm autem magna sit aperientium atque dia-  
phoreticorum colonia, et natura a natura  
differat, suosque fluor albus gradus habeat, id  
quidem porro patet, non eadem omnibus con-  
venire, sed alia aliis adhibenda esse. Ita enim  
qvibusdam, comperias, prodesse infusa, decoctio-  
nes, atque essentias lignorum, nonnullis remedia  
ex stibio, marte, iove, ebore, lapidibus cancro-  
rum, aliisque absorbentibus, marinis, ac terreis,  
facta, aliis ex succino, castoreo, myrrha, resina  
gvaiaci, balsamo Peruviano, camphora, croco,  
aliis ex china Chinæ, cortice VVinterano, sive  
schacharilla, herbisque, et radicibus amaris, et  
aromaticis, quas vulgo cephalicas, stomachicas,  
et uterinas vocant, atque aromatibus ipsis, ut  
et feminibus carminativis ac diureticis, aliis ex  
opiat, theriaca, mithridatio, diascordio, cum  
iis, quæ modo dicta sunt, varie mixtis, parata,  
aliis tincturas bezoardicas, salem Aetii, salia item  
volatilia, simplicia, vel aromatica, et oleosa, con-  
du-



ducere. Nobis ea in primis aperientia placent, quæ vim excitantem, rarefacientem, et corroborantem habent, quibus quidem nunc solis, modo temperantibus iunctis, recteque adhibitis, non paucas, quæ per plures annos eo fluxu conflatae fuerunt, sanatas novimus, sine ullorum usu adstringentium. Et profecto raro his opus habebimus, ac sicubi ea necessaria visa fuerint, aperientibus atque diaphoreticis commode temperabimus. Quomodo quidam species decarabe, corallica, ossëpiæ, et eius generis alia, cum theriaca, vel mithridatio, diacoro, zingibere condito, conserva menthæ, et fl. anthos, in forma electuarii, uti consueverunt. Eadem ratione etiam acrimonia ex sanguine auferetur, neque opus habebimus, ut eam remediis gummosis et glutinosis, ex gummi Arabico, tragacantha, ichthyocolla, et huiusmodi aliis, irretiendam, vel iisdem remediis vias uteri conglutinandas putemus. Recte et prorsus ad mentem nostram Corbeius, Gynæc. lib. I, cap. 3. *Alterantia exhibentur, quæ humiditates hasce corporis exsiccent, et absumant, eoque validius, si aqueus, et pituitosus hic sit fluor, addendo illis, si immodicus sit, quæ adstrictione insuper prædita,*



*illum etiam nonnihil cohibeant. Qualia multa in mensium profluvii cura exposita, hic quoque competere possunt, attenta tamen hac animadversione, ne nimis cito in hoc fluxu adstringentia adhibeantur, et quod remedia magis siccare, quam adstringere debeant, quibus et quæ utero simul appropriata sunt, permiscentur. Nolumus hic formulis remediorum paginas implere, cum eæ cuiusvis laborantis constitutioni sint aptandæ. Nec vero, qui recta methodo uti novit, remediis empiricis delectabitur, quorum fallax, nec raro noxius esse usus solet.*

## XVII.

**A**B hac medendi ratione haud alienus fuit Hippocrates, cum lib. II de morb. mulier. ita habet: *Si fluor albus detineat, hisce conveniunt diuretica, capitis purgationes, balnei abstinentia, epithymum album epotum, deambulationes, et omnis diæta exsiccans.* Huius insists vestigiis Galenus, decoctione asari, et apii, paucoque potu, ut supra meminimus, feliciter usus est. Ast cautione opus est in usu diureticorum, ne ad ciendam nimis urinam, sed excitandam in primis transpirati-

ti-



tionem accommodetur. Quapropter minus his assentiri possumus, qui nimium terebinthinatis, et diureticis vehementioribus aliis, fidunt. Suus tamen thermis locus est, quas *Sennertus* l. c. tantopere prædicat, quod redundantes in corpore humores evacuent, atque ab utero divertant, et viscera purgent, ac roborent, modo conveniens continuetur diæta, et transpiratio libera servetur.

## XIIIX.

**E**Xterna ante sufficientem corporis purgationem plus nocere, quam prodesse, et ratio dicat, et usus rerum testatur. Ac vix iis unquam opus habebimus, si quidem remediis interioribus recte utamur. Alioquin enim parum auxilii tam a thermis, quam a balneis, five ex aperientibus, five ex adstringentibus, vel utrisque, parentur, itemque a fotibus sperandum erit. Iniectiones non magni æstimandas, neque nimium suffitibustribuendum esse, five ex salvia, et herbis eius generis aliis, five ex antimonio, five ex thure, succino, mastiche, et huiusmodi aliis, fiant, ipsius natura mali declarat.

## XIX.

**P**lus conveniens victus, vivendique ratio, præstare



stare, et sæpe sola fontem catarrhi exhaurire potest. Qvo in primis aer conducit temperatus, vel ad calorem vergens, et ficcus, cibusque boni succi, corpus non gravans, sed recreans, atque aromatis, et herbis, ac floribus aromaticis conditus, quibus et motus sanguinis, et tonus, ac robur viscerum, erigitur. Potus sit paucus, vel modicus, vinum nempe bonum, odoratum, quod plus sæpe proderit, si melissa, salvia, roremarino, absinthio, in id infusis, medicinales vires accipiat. Vicaria vini cerevisia non sit feculenta, sed clara, et lupuli salictarii floribus condita, vel etiam salvia, aut absinthio, medicata. Plurimum quoque utilitatis motum, atque exercitationem corporis, conferre, vel ex eo patet, quod fluorem hunc quies augeat. Demum somnus, et vigiliæ, animorumque affectus, intra mediocritatis limites consistere, et omnes vigere excretiones debent, si optatum velis curationis exitum.

---



**T**Heiologos orbi magnos gens  
clara ministrat,  
Ex juris mystis nomina celsa  
tenet.  
Ad sacra discedis mis sis his primus  
Hygeæ,  
Ne sis deterior, nitere, fama tuis.

*Gratul. scripsit Lipsia*

**JOH. HEINR. ERNESTI,**

Prof. Publ.

---

**O***Rdinis adscendis, felix adscende! cathedram,  
Qui medica doctus damna fugare manu.  
Viderat, insidiis qui vos petit horridus hostis,  
Terrigenæ, & rauca hæc, Mors mala, voce  
refert:  
Solvite solertes lapides, & igne metalla  
Solvite, ut & succum præbeat herba suum;  
Præbeat Ægyptus medicataque funera, terram  
Præbeat & Lemnus quam sua signa notant;  
Anne fugant mortem cataplasmata, pilula, pulvis?  
Immo jocus, Medicus, Mortis, & ipse, jocus.  
Finierat nondum jactantia dicta Tyrannus,  
Splendida cum subito cælo Hygiæa venit:*

*Teque*



*Teque manu, Frater, prensam; Bene perge, ca-  
nebat;*

*Te summus Medicus, Te vocat ipse DEUS.*

*Et licet in Medico non sit relevetur ut ager,*

*Herba licet semper nec cataplasma juvet:*

*Te tamen Amosidis ficus, bubone remoto,*

*Et Morti auferri sæpe cupita, docet.*

*Perge igitur felix! Felix adscende cathedram*

*Quam medicus pandit Leucoris ordo tibi.*

*Numinis adsistat summi Benedictio cæptis!*

*Cuncta Hæc quæ vincunt pharmaca sola dabit.*

Dilectissimo suo Fratri

Paucis his

de Summo inter Medicos Honore

gratulari voluit

**M. JO. BENED. CARPZOVIVS, Lips.**

Hebr. L. Prof. Publ. Extraord.

& Concionat. Sabbath.

